

Datum: 22.10.2024. godine

SAOPŠTENJE ZA MEDIJE

Školi za srednje stručno obrazovanje i radno osposobljavanje doniran materijal za kreativne radionice

U sklopu projekta „Uključite se svi da možemo i mi“, Školi za srednje stručno obrazovanje i radno osposobljavanje doniran je materijal za knjigovezačko-kreativnu i reklamno-grafičarsku radionicu.

Projekat „Uključite se svi da možemo i mi“ traje 12 mjeseci, a njegov cilj je unapređenje uslova za kvalitetan i inkluzivan društveni razvoj u Općini Novo Sarajevo, ali i cijelom Kantonu Sarajevo. Realizuje se kroz program „Okvir za realizaciju Ciljeva održivog razvoja kao temelj za održiv i inkluzivan rast u BiH" (SDG2BIH), kojeg finansira Vlada Švedske, a implementira UNDP u partnerstvu sa UNICEF-om i UNWOMEN u BiH, uz koordinaciju ureda rezidentne koordinatorice UN-a.

Donacijom ovog materijala u iznosu od oko 3.000,00 KM djeci je omogućeno da izraze svoju kreativnost oslikavanjem majica, šolja, eko/platnenih torbi i sličnih predmeta, a koji će biti izloženi na školskom bazaru.

U cilju omogućavanja kvalitetnog radnog osposobljavanja, te pripreme za aktivno učešće na tržištu rada i (samo)zapošljavanje, kao i jačanja socijalne uključenosti djece s poteškoćama u razvoju, u okviru ovog projekta **izvedeni su radovi na adaptaciji i opremanju molersko-farbarske radionice** u Školi za srednje stručno obrazovanje i radno osposobljavanje, za šta je Općina Novo Sarajevo izdvojila oko 21.000,00 KM.

Pored navedenog, s obzirom da obje škole koriste jedno, zajedničko, neuslovno igralište, neprilagođeno djeci s poteškoćama u razvoju, **u toku su radovi i na sanaciji pomenutog igrališta**, u cilju obezbjeđenja kvalitetnog boravka na otvorenom, fizičke aktivnosti, poboljšanja produktivnosti, te socijalne inkluzije.

Za navedene aktivnosti planirano je 175.830,00 KM, od čega će se kroz program SDG2BiH izdvojiti iznos od 124.600,00 KM, dok je Općina Novo Sarajevo obezbijedila ostatak sredstava u iznosu od 51.230,00 KM.

Partneri na navedenom projektu su upravo Škola za srednje stručno obrazovanje i radno osposobljavanje i JU Centar za odgoj, obrazovanje i rehabilitaciju Vladimir Nazor.